

Канон святым мученикам Адриану и Наталии

Празднуем 26 августа (8 сентября)

Тропарь, глас 4

Мученицы Твоя, Господи, во страданиях своих венцы прияша нетленные от Тебе, Бога нашего; имуще бо крепость Твою, мучителей низложиша, сокрушиша и демонов немощныя дерзости. Тех молитвами спаси души наша. *(Дважды.)*

Слава, и ныне, *Богородичен*: Еже от века утаенное и Ангелом несведомое таинство, Тобюю, Богородице, сущим на земли явися Бог, в неслитном соединении воплощаемь, и Крест волею нас ради восприим, имже воскресив первозданного, спасе от смерти души наша.

Канон, глас 6

Песнь 1

Ирмос: Яко по суху пешествовав Израиль, по бездне стопами, гонителя фараона видя потопляема, Богу победную песнь поим, вопияше.

Припев: Святии мученицы Адриане и Наталие, молитве Бога о нас¹. *(Поклон.)*

В нощи мя жития, сном лютым одержима деяний, к свету покаяния, Боже, воздвигни молитвами мученик Твоих, Христе, да славлю Тя.

Святии мученицы Адриане и Наталие, молитве Бога о нас.

Востоком мысленнаго солнца озарившися мученицы, и дне сынове бывше, всю идольскую мглу крепко потребисте.

Слава: От устен, искапающих сладости божественнаго разума, насладився, Адриане, яд изблевал еси пружняго неразумия, воистинну, богоблаженне.

И ныне: Твоего приемши Содетеля, яко Сам восхотел, от безсеменна Твоего чрева паче ума воплощаем, Чистая, тварей воистинну явилася еси Владычица.

Молите Бога о нас, святии мученицы Адриане и Наталие, яко мы усердно к вам прибегаем, скорым помощником и молитвенником о душах наших. *(Поклон.)*

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Святии мученицы Адриане и Наталие, молитве Бога о нас.

Уз избежав идольскаго суетства, мучениче, связался еси желанием любве

¹ Этот припев повторяется перед первыми двумя тропарями в каждой песне канона. Перед первым тропарем первой и девятой песен припев читается с поклоном, в остальных случаях – без поклона.

Христовы и узам, страдалец, Его радостью приобщился еси.

Святые мученицы Адриане и Наталие, молитесь Бога о нас.

Заворами² железными голени сокрушаемы, страстотерпцы Господни, нечестия кости терпения заворами и мужеством воистинну сокрушите.

Слава: Огнем любви божественную душу опаляему супруга распалила еси желанием ко Христу, любовь плотскую, Наталие, до конца возненавидевши.

И ныне: Божественного рождества Твоего Чистая, всякий естества чин превосходит чудо; Бога бо преестественно зачала еси во чреве, и, рождши, пребываеши Приснодева.

Молите Бога о нас, святые мученицы Адриане и Наталие, яко мы усердно к вам прибегаем, скорым помощником и молитвенником о душах наших. (Поклон.)

Господи помилуй. (Трижды.)

Седален, глас 4

Нечестия запаление благочестия орошением угасил еси, страстотерпче, сокрушением твоих удов идольскую крепость истнил еси, супружницу обрет помощницу ко всем лютым, мучениче, ополчением, с неюже в вышнее вселился еси Царство, Адриане крепкодушне. Христу молися дати всем чтущим тя милость.

Слава, и ныне, Богородичен: Треволнению страстными безсовестный аз обуреваем, Чистая, призываю Тя тепле, да не презриши мене, окаянного, погибнути, бездну милосердия рождши, разве бо Тебе, надежды не имам. Да не, врагом убо обрадование и смех, надеясь на Тя, явлюся, ибо можеша, елико хочеша, яко Мати сущи всех Бога.

Песнь 4

Ирмос: Христос моя сила, Бог и Господь, честная Церковь боголепно поет, взываючи от смысла чиста, о Господе празднующи.

Святые мученицы Адриане и Наталие, молитесь Бога о нас.

Христа мученицы крепость стяжавше, некрепкое суровство гонителей воистинну поправше и венцы победы с Небес прияша.

Святые мученицы Адриане и Наталие, молитесь Бога о нас.

Гнобем, всюду обтекающим святых телесем, миро Богу воистинну принесся, гноение прелести очищающее державно.

Слава: Твоими кровью одежду обогрел еси себе нетления, совлек тления одежду, и Христу, Адриане, со славою ныне предстоиши.

И ныне: Яко воистинну неизвещанна и непостижима яже Твоего боголепного, Богородице, суть рождества, сущим на земли и на небес, Приснодево, тайнства.

Молите Бога о нас, святые мученицы Адриане и Наталие, яко мы усердно к вам прибегаем, скорым помощником и молитвенником о душах наших. (Поклон.)

² Заворами – колами, засовами.

Песнь 5

Ирмос: Божіим свѣтом Твоім, Блаже, ўтренюющих Ти дѹши любовію озарі, молюся, Тя вѣдети, Слове Божій, істиннаго Бѳга, от мрака грехѳвнаго взывающа.

Святїи мѹченицы Адриане и Наталіе, молїте Бѳга о нас.

Десятица сугуба³ страдалец с простою трѳицею, Христа ныне моляще, разрешїша соѹз нечестїя, сѹща безкрѣпостна, крѣпостию Трѳичною, дѳблественни.

Святїи мѹченицы Адриане и Наталіе, молїте Бѳга о нас.

Якоже солнце, посреде стоя звезд свѣтлых, Адриане, с тобою страждущих облистал еси свѣтом благочестїя, нечестїя мглу отгнав, и просветил еси мїра концї.

Слава: Роса глагол твоїх честных исцеление болѣзней воистинну твоемѹ супружнику бысть, вкусившу лѹчих любовь, богомѹдрая Наталіе, мѹчеников сожительнице.

И ныне: Богородицу Тя от душї, Владычице мїра благая, исповѣдающих спасї: Тя бо предстательство непоборимое їмамы, істинную Богородительницу.

Молїте Бѳга о нас, святїи мѹченицы Адриане и Наталіе, яко мы усердно к вам прибегаем, скорым помощником и молитвенником о душах наших. *(Поклон.)*

Песнь 6

Ирмос: Житѣйское море, воздвизаемое зря напастей бурею, к тихому пристанищу Твоемѹ прїтек, вопїю Ти: возведї от тли живѳт мой, Многомїлостиве.

Святїи мѹченицы Адриане и Наталіе, молїте Бѳга о нас.

Христовою окормляеми дланію благочестно, безбѳжїя пучїну преїдѳсте и ко пристанищу тихому вышнїя свѣтлости, страдальцы Господни, устремїтесь.

Святїи мѹченицы Адриане и Наталіе, молїте Бѳга о нас.

Яко цвѣти, благоухают подвиг твоїх, мѹдре, яже паче естества одолѣния, їбо Бѳжие явился еси, Адриане, благовѳнно кадилѳ, огнем мук опаляемь.

Слава: Доброю веры святая твоя душа украшена, всечестная, и, доброту їщущи, яко воистинну Христову безмерную, Наталіе, желанїя не погрешї.

И ныне: Всечїстая Владычице, рѳждающая человеком кормчїя Господа, страстей моих непостоянное и лютое утолї смущѣние и тишїну подаждь сѣрдцу моему.

Молїте Бѳга о нас, святїи мѹченицы Адриане и Наталіе, яко мы усердно к вам прибегаем, скорым помощником и молитвенником о душах наших. *(Поклон.)*

(Поклон.)

Господи помилуй. *(Трижды.)* Слава, и ныне.

Кондак, глас 4

Мѹченик возсия божественная память и земнїя озарї вся концї свѣтло, с веселием зовѹщих: Ты еси мѹчеников, Христѣ, радование.

³ Десятица сугубая, то есть двойная = двадцать.

ИКОС

На Дре́ве Крѣстнем плотию пригвождѣннаго Христа́ Царя́ возжелавше доблественне, во́ини, усѣрдно болѣзни лю́тыя и му́ки стра́шныя претерпѣша, попра́вше идо́льское нече́стие все, и беззако́нных сопроти́вления низло́жше, десяти́ца сугубая и тро́ица му́ченик. Тѣмже Адриа́н и Ната́лия, супру́г⁴ краси́ый, сих зря́ще, поревнова́ша им и, раду́ющеся, вопи́ют: Ты еси́ му́чеников, Христе́, ра́дование.

Песнь 7

Ирмос: Росода́тельну́ бо пещь соде́ла Ангел преподо́бным отроко́м, халде́и же опаля́ющее велѣ́ние Бо́жие, му́чителя увещá вопи́ти: благословѣ́н еси́, Бо́же отецъ на́ших.

Святы́и му́ченицы Адриа́не и Ната́лие, моли́те Бо́га о нас.

Необори́мы я́коже столпы́ яви́стеся, Сио́на вы́шняго му́ченицы, низложивше утвержде́ния вся вра́жия терпѣ́нием страда́ния ва́шего. Тѣмже почита́ем благоче́стно ва́шу па́мь прісно.

Святы́и му́ченицы Адриа́не и Ната́лие, моли́те Бо́га о нас.

Помощница́ Адриа́на Ната́лия я́ко еди́ноду́шна от Бо́га дарова́ся, извлага́щи углѣ́бша сегó во глубинѣ́ прѣлести, и уверя́юще вопи́ти: благословѣ́н Бог отецъ на́ших.

Слава: Я́ко многоце́нно сокрови́ще, му́ченика ру́ку скрывши, не преда́ла еси́ целомудрия́ твоего́ сокрови́ща укра́сти тща́щимся, честна́я, окормля́ема руко́ю отцевъ Бо́га.

И ны́не: Священни́и проро́цы провозвести́ша, Чи́стая, явленно́ та́инство честна́го рождества́ Твоего́, и ны́не мы, собы́тия изда́леча смотре́ще, благоче́стно Тя ублага́ем.

Моли́те Бо́га о нас, святы́и му́ченицы Адриа́не и Ната́лие, я́ко мы усѣрдно к вам прибега́ем, ско́рым помощником и моли́твенником о душа́х на́ших. (Поклон.)

Песнь 8

Ирмос: Из пла́мене преподо́бным ро́су источи́л еси́ и пра́веднаго жѣ́ртву водо́ю попали́л еси́, вся бо твори́ши, Христе́, то́кмо еже хоте́ти. Тя превозно́сим во вся ве́ки.

Святы́и му́ченицы Адриа́не и Ната́лие, моли́те Бо́га о нас.

Огне́м му́чения всесожи́гаеми, нече́стия пла́мень весь угаси́сте кровью́и ва́шими, страда́льцы, зову́ще: Тя превозно́сим, Христе́, во вся ве́ки.

Святы́и му́ченицы Адриа́не и Ната́лие, моли́те Бо́га о нас.

Жены́ чу́дныя кто не удиви́тся сущия́ к Бо́гу любви́? Я́ко возненави́де желáние плотско́е и супру́жника увери́ чести́ и сла́вити Христа́ во ве́ки вся.

Слава: Посра́мив безбо́жных суетства́ и возжелáв Христо́ву красоту́, столп благоче́стия ве́рным был еси́, му́чениче, страсотерпче́ Адриа́не всеблаже́нне.

И ны́не: От Све́та Светода́вца Сло́ва зачала́ еси́, и ро́ждши несказáнно Пресущество́ннаго, Дух бо в Тя, Де́во, Бо́жий всели́ся. Тѣмже Тя поѣ́м, Чи́стая, во ве́ки.

Моли́те Бо́га о нас, святы́и му́ченицы Адриа́не и Ната́лие, я́ко мы усѣрдно к вам

⁴ Супруг – пара

прибегаем, скорым помощником и молитвенником о душах наших. (Поклон.)

Песнь 9

Ирмос: Бога человеком невозможно видети, на Негоже не смеют чины ангельстии взирати; Тобою же, Всечистая, явися человеком Слово воплощено. Егоже величающе, с небесными вои Тя ублажаем.

Святїи мученицы Адриане и Наталіе, молїте Бога о нас. (Поклон.)

Удов сокрушение, лютых прещения ни меч, ни огонь, ни смерть плоти тленныя Христовы любве разлучити вас, славному страдальцы, отнюд возмогоша. Темже во веки с Ним присно веселитесь.

Святїи мученицы Адриане и Наталіе, молїте Бога о нас.

Свещи богосветлы, звезды сияющия, светильницы, нам свет благочестия озаряюще, солнца славы сияния, чада не вечерняго блаженства, мученицы явистесь Христовы всечестнии.

Слава: Источник, вод исполнен духовных, и река божественных дарований исполнена, и чаша страдания проливающая токи, пучины спасения, мученицы, явистесь, бури напастей различных нас избавляюще.

И ныне: Мертвым востание ныне даровася Твоим несказанным и неизреченным Рождеством, Богородице всечистая: Жизнь бо из Тебе, плотию обложена, всем возсия и смертную дряхлость яве разруши.

Молите Бога о нас, святїи мученицы Адриане и Наталіе, яко мы усердно к вам прибегаем, скорым помощником и молитвенником о душах наших. (Поклон.)